

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

প্রশিক্ষণ শেষে পুলিশ তদন্তকারীদের সনদ প্রদান করলো যুক্তরাষ্ট্র সরকার

ঢাকা, ২৬শে মে -- বাংলাদেশের ২৪ জন আইন প্রয়োগকারী কর্মী যুক্তরাষ্ট্র বিচার বিভাগের অর্থায়নে পরিচালিত উচ্চ পর্যায়ের তদন্তমূলক কৌশলের উপর প্রশিক্ষণ সম্পন্ন করেছে। গত ২২-২৬শে মে অনুষ্ঠিত এ প্রশিক্ষণ ঢাকার পুলিশ স্টাফ কলেজে এক পুরস্কার বিতরণী অনুষ্ঠানের মাধ্যমে সমাপ্ত হয়।

“ইন্টারভিউয়িং ইন ইনভেস্টিগেশন, পার্ট ২” নামে পরিচিত এই কোর্সে সন্দেহভাজন, প্রত্যক্ষদর্শী এবং অপরাধের শিকারদের সাক্ষাত্কার নিতে প্রয়োজনীয় দক্ষতা ও কৌশলের উপর গুরুত্ব প্রদান করা হয়। এই কোর্সে যে সকল বিষয়ে আলোচনা করা হয় তার মধ্যে অন্তর্ভুক্ত ছিল সাক্ষাত্কার গ্রহণের জন্য কিভাবে প্রস্তুতি নিতে হয় এবং পরবর্তীতে তা কিভাবে সাজাতে হয়; এবং সেই সাথে সক্রিয় শ্রবণ দক্ষতার মত বিষয়গুলো নিয়েও আলোচনা করা হয়। বিশেষভাবে, অংশগ্রহণকারীদের অদমনমূলক (নন-কোয়ারসিভ) পদ্ধতি ব্যবহারের উপর নির্দেশনা প্রদান করা হয় যা মানবাধিকার রক্ষার লক্ষ্যসমূহের সাথে সামঞ্জস্যপূর্ণ।

স্পেশাল ব্রাঞ্চ, ডিটেকটিভ ব্রাঞ্চ এবং ক্রিমিনাল ইনভেস্টিগেটিভ ডিপার্টমেন্টের (সিআইডি) সেই সব ইসপেক্টর এবং সাব-ইসপেক্টরদের জন্য এই প্রশিক্ষণ উন্নত ছিল যারা গত জানুয়ারি মাসে এই কোর্সের প্রথম পর্ব সম্পন্ন করেছে। যুক্তরাষ্ট্র সরকারের 'ফেডারেল ব্যরো অব ইনভেস্টিগেশন' (এফবিআই) এবং 'ইন্টারন্যাশনাল ক্রিমিনাল ইনভেস্টিগেটিভ ট্রেনিং এসিস্ট্যান্স প্রোগ্রাম' (আইসিআইটিএপি) যৌথভাবে এই প্রশিক্ষণ কর্মসূচি দু'টি আয়োজন করে। বাংলাদেশ পুলিশ স্টাফ কলেজের রেক্টর (অতিরিক্ত পুলিশ মহাপরিদর্শক) নাইম আহমেদ সনদ বিতরণী অনুষ্ঠানে উপস্থিত ছিলেন। এছাড়া আরো ছিলেন ঢাকাস্থ এফবিআই-এর ভারপ্রাপ্ত সহকারি লিগ্যাল এ্যাটাশে ক্যারিন ভালাস এবং আইসিআইটিএপি-এর প্রতিনিধিত্বকারী জন ডানিলোইচ জুনিয়র।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।